

# CYNGOR CYMDEITHAS LLANFIHANGELESCEIFIOG.

## Cofnodion cyfarfod Misol o'r Cyngor a gynhaliwyd yng Nghanolfan Esceifiog y Gaerwen, Nos Fawrth, 25ain GORFFENNAF 2017.

### **PRESENNOL:**

Cynghorydd Mrs Barbara McKeaveney (Cadeirydd), Ms Linda Jones, Mrs Carol McGregor, Ms Rhian Roberts, Mr W Raymond Evans, Mr Derek Hughes, Mr Cynrig Jones, Mr Mike Jones, Mr John Pritchard a Mr J Alun Foulkes (Clerc).

Cynghorydd Sirol Mr Eric Jones & Mr Dafydd Roberts.

### **YMDDIHEURIAD:**

Cyng Mr Ian Owen & Mr Einion Parry Williams.

## **1 CROESO, DIOLCHIADAU & DATGAN DIDDORDEB.**

- 1.1 Croesawyd pawb i'r cyfarfod llawn cyntaf gan y Cadeirydd.
- 1.2 Croesawyd yr aelodau newydd i'r cyfarfod ac fe arwyddwyd pob aelod y datganiad o dderbyn y swydd fel Cynghorydd ac ymrwymo a pharchu y côd ymddygiad.
- 1.3 **Datgan Diddordeb Rhagfarnol** – nid oedd unrhyw aelod yn datgan diddordeb.

## **2 CYFLWYNIAD GWAITH DŴR – PENTRE BERW.**

- 2.1 Croesawyd Gwenan Davies & Catrin Jones o Ddwr Cymru a Paul Prior o Gwmni Morgan Sindall i'r cyfarfod. Cafwyd cyflwyniad llawn a cryno ganddynt gyda dogfennau am odditeu hanner awr o'r gwaith a bwriedir cychwyn yn Mis Medi ac fe cafodd pob aelod o'r Cyngor y cyfle i ofyn cwestiynnau perthnasol o'r cynllun iddynt. O'r trafodaeth, dangoswyd pryder mawr am y cyfnod y bydd Lon Collier ar gau ac hefyd y cynnig o ddargyfeirio llwybr arfaethedig dan sylw ac fe nodwyd yr hyn a ddywedwyd gan yr aelodau.

## **3 ADRODDIAD Y CYNGHORWYR SIROL.**

- 3.1 Croesawyd y DDAU Cynghorydd Sirol newydd Mr Dafydd Roberts a Mr Eric Jones i'r cyfarfod. Nid oedd ganddynt llawer i adrodd ar hyn o bryd ond soniwyd am y pwysigrwydd ymateb i Ymgynghoriad Pac3 Wylfa ac fod y Pwyllgor Gwaith yn ystyried newid eu strwythur er mwyn medru delio gyda materion tebyg i Horizon ac yn y blaen oherwydd ei fod yn bwysig i ddyfodol yr Ynys.

## **4 DERBYN COFNODION CYFARFOD BLAENOROL.**

- 4.1 Derbyniwyd ac fe arwyddwyd fod cofnodion cyfarfod 27ain Mehefin 2017 yn gywir. (WRE/LJ) ar ol nodi y dylid cofnod 7.2 (arwydd Pentre Berw o Langaffo), wedi cyfeirio ato yn bellach ac NID agosach.

**Arwyddo.....Tudalen 1.**

## 5 **MATERION YN CODI O'R COFNODION.**

- 5.1 **Ysgol Esceifiog – (cofnod 10.2)** nodwyd nad oedd yr uned/peiriant diffribiliwr wedi ei leoli yn yr Ysgol ar gael i pawb yn y pentref ar y funud.

## 6 **ETHOL SWYDDOGION Y CYNGOR 2017 – 2018.**

Etholwyd y canlynol:

- |     |                                       |   |                                     |
|-----|---------------------------------------|---|-------------------------------------|
| 6.1 | Cadeirydd                             | – | Mrs Barbara McKeaveney.             |
| 6.2 | Is Cadeirydd                          | – | Ms Linda Jones                      |
| 6.3 | Fforwm Cyswllt                        | - | Atal tan y cyfarfod nesaf.          |
| 6.4 | Cynrychiolydd Un Llais Cymru          | - | Mr Raymond Evans a Mr Derek Hughes. |
| 6.5 | Cynrychiolydd Llywodraethwyr yr Ysgol | - | Mr Ian Owen.                        |

## 7 **MATERION CAEAU CHWARAE.**

- 7.1 **Arwyddion y Caeau Chwarae** – angen gosod yr arwyddion pan ar gael. Roedd Cyng Ian Owen wedi gofyn i Mr John Evans am osod y polyn newydd.
- 7.2 **Gwaith Cynnal a Chadw – Gofeb, Gardd Mileniwm & Cae Chwarae Gaerwen Uchaf** – roedd Cyng Ian Owen wedi darparu rhestr o waith cynnal a chadw sydd angen i'r tri safle – **Penderfynwyd y dylai'r Clerc anfon llythyrau allan i'r rhestr y contractwyr yn gofyn iddynt am ddyfnbris cyn penodi.** Diolchwyd i Cyng Ian Owen am ei waith yn y mater yma.
- 7.3 **Lleoliad yr Hysbysfwrdd** – angen trafod hyn cyn gosod. Cyng Ian Owen am gysylltu gyda Cyng John Pritchard er mwyn cytuno y lleoliad gorau..
- 7.4 **Biniau Sgwar Cae Mawr / Gaerwen Uchaf** – angen trafod yn y cyfarfod nesaf.
- 7.5 **Tyrchod Daear** – nodwyd y Clerc na ddylai datrys y broblem hyd nes bydd y plant wedi mynd yn nol i'r Ysgol er budd iechyd a diogelwch.
- 7.6 **Chwyn Laddwr** – roedd Cyng Ian Owen wedi gofyn i Mr Dafydd Hughes ymgymeryd a'r gwaith.
- 7.7 **Torri Cloddiau – Cae Mawr** – roedd Mr O G Jones wedi cwblhau'r gwaith yma.
- 7.8 **Cloddiau Gaerwen Uchaf** – roedd Cyng Ian Owen am drefnu pris cyn symud ymlaen.
- 7.9 **Clawdd Cae Peldroed** – nodwyd fod Mr O G Jones wedi cwblhau'r gwaith.

Arwyddo.....

## **8 MATERION LLWYBRAU.**

- 8.1 **Llwybr yr Ynys** – nodwyd fod angen torri brigau ar hyd y llwybr – nodwyd fod Cyng Ian Owen wedi gofyn i Mr O G Jones am ymgymeryd y gwaith ac fod hyn mewn llaw. Nodwyd ei fod wedi methu mynd lawr y ffordd gyda tractor oherwydd car Sion Look ar ffordd.
- 8.2 **Mapiau Llwybrau Cyhoeddus** – gofynwyd i'r Clerc dosbarthu gopi o'r mapiau erbyn y cyfarfod nesaf.

## **9 MATERION PRIFFYRDD.**

- 9.1 **Problemau Traffig ar hyd darn Lon Groes** – nodwyd fod cerbydau trwm ac uchel yn trafaelio ar hyd y darn o'r Gofeb i'r Cae Peldroed ac gan fod hyn yn cynnwys yr Ysgol (Llwybrau Diogelach I Ysgolion) wrth iddynt ddefnyddio Lon Graig – **Penderfyniad – dwyn sylw pryderon y Cyngor i Adran Briffyrdd y Cyngor Sir.**
- 9.2 **Arwydd Cyflymdra Lon Pentre Berw i Langaffo** – dangoswyd pryder gor-yrru ar hyd y Lon. **Penderfyniad – gofyn i'r Cyngor Sir ystyried symud arwydd 40mya yn agosach at Pentre Berw.**
- 9.3 **Parcio ger Ty Gwyn – Lon Groes** – nodwyd pryderon fod cerbydau yn parcio ger y safle ac yn atal y cyhoedd rhag defnyddio'r Blwch Post – **pendefyniad – anfon llythyr i'r Adran Briffyrdd yn dwyn sylw atynt a gofyn iddynt anfon gorchymyn i berchnogion y cerbydau dan sylw.**
- 9.4 **Lon Ceint** – angen torri gweddill o'r gordyfiant.
- 9.5 **Mynedfa Parc Gwyddoniaeth** – angen gofyn sefyllfa diweddaraf ynghylch ar arwydd sydd wedi hollti ar ei hanner sydd wedi ei leoli ar yr A5152.
- 9.6 **Hen Safle Little Chef** – angen torri'r gordyfiant unwaith eto.
- 9.7 **Yr A5 ger Maes Hyfryd, Gaerwen** – cwyn fod cerbydau yn gor-yrru ac anfon llythyr perthnasol i'r Adran Briffyrdd y Cyngor Sir.
- 9.8 **Gorchymyn Traffig Trwodd Dros Dro (Croesfan Rheilffordd Gaerwen – Rhif 2 2017)** – nodwyd daw y gorchymyn i rym ar y 15ed o Orffennaf am 3 mis (disgwylir i'r gwaith ddiwydd mewn dau gam, y cyntaf rhwng 15/16 Gorffennaf a'r ail rhwng 22/23 Gorffennaf 2017)

Arwyddo.....

**Tudalen 3.**

**10. CEISIADAU CYNLLUNIO NEWYDD.**

**10.1** Cais Benu a oes angen caniatad blaenorol ar gyfer codi sied amaethyddol ar dir yn:  
**LLEOLIAD – Berw Uchaf, Pentre Berw, Gaerwen (Rhif Cais - 33C182F).**  
**Penderfyniad: DIM SYLWADAU.**

**10.2** Cais ol-weithredol ar gyfer Addasu & Ehangu yn:  
**LLEOLIAD – Penrhyn Bach, Pentre Berw, Gaerwen (Rhif Cais – 33C237B).**  
**Penderfyniad: DIM SYLWADAU.**

**10.3** Cais Llawn ar gyfer newid defnydd adeilad allanol i annedd yn:  
**LLEOLIAD – Ashleigh House, Gaerwen – (Rhif Cais – 33C63C).**  
**Penderfyniad : DIM SYLWADAU.**

**11. MATERION ARIANNOL, GWEINYDDOL & ASESIAID RISG.**

**11.1 Adroddiad Ariannol Misol:**  
Cyflwynwyd ac fe arwyddwyd adroddiad taliadau a derbyniadau Mis Mehefin 2017 yn cynnwys cysoniad a datganiad y banc.

**11.2 Taliadau Mis Gorffennaf 2017.**

<b>Rhif Siec.</b>	<b>Taler</b>		<b>Disgrifiad</b>	<b>Swm</b>
201249 -	Mr O G Jones	-	Torri Llwybrau	£576.00
201250 -	Mr Dafydd Hughes	-	Torri Caeau Chwarae	£380.00
201251 -	Mr Dafydd Hughes	-	Torri Llwybr Rhif 16	£110.00

**11.3** Nodwyd cerdyn wedi ei dderbyn oddiwrth Cangen yr Urdd yn diolch am rhodd y Cyngor Cymdeithas.

**11.4** Nodwyd cerdyn wedi ei dderbyn oddiwrth CPDI y Gaerwen yn diolch am rhodd y Cyngor Cymdeithas.

**12 GOHEBIAETH.**

**12.1** Rhybudd cyfarfod Pwyllgor Ardal Ynys Mon – Un Llais Cymru – 28ain Mehefin 2017.

**13. DYDDIAD Y CYFARFOD NESAF – 26ain MEDI 2017.**

**13.1** Diolchodd y Cadeirydd i'r aelodau am fynychu'r cyfarfod. Clwyd y cyfarfod am 8:35yh.

Arwyddo.....Cadeirydd.....Dyddiad.